

اسلام دنیایی

خالد

عدد

۴۴۱

۲۸ رجب

سنہ

۱۴۲۸ھ

۲۰ خزانہ

۴۲۹

۹

بعضی‌ری تبیین کلمه‌نی نص و ارشاددن اعم
طوتمشدر . یعنی مقصودی قطعاً بیان اتمک
ویا خود قیاس و دلائل عقلی کبی موصل مقصود
اولان شیلره هدایت و ارشاد ایلهمک معناری
شامل اولدیغنی تصریح ایلهمشدر . آیت جلیله
مذکوره حکمنجه فخر عالم صلی‌الله‌علیه‌وسلم
اقدمن حضرتلری وظیفه تبلیغ و تبیین حقیقه
ایفا بیوردیلر . اسلاف عظام اسلامیه دخی تبه
و تقدیده قصور ایتمدیلر . زمانلرینه ، محیطلرینه
و حاللرینه ، حوادث کونییه کوره تفکر و ملا
حظلری ثمراتی نشر و نمیمیده و خلقی استقامت
و عدالتی سوق و ارشادده بولندیلر . عجباً بز دخی
بو آیت جلیله نك تقصیرندن اکلانشدیغنی اوزره
حقایقی بولاق و اوکر نك ، اویانق ، لوازم
حکمت و مصلحت قرآنییه ایلهم عامل اولق خصوص
صنده ایفای وظیفه ایدیورمی بز ؟ حقیقت
دینلجه یالکیز کتابلرده (مابه‌الشیء هو هو)
تعریفله و بونعریفی اکلانقله‌می وقت کچریوروز ؟
مفردات الفاظ تحقیقاتدن براز حقایق ثابتیه
دخی نظر ایدم : واقع اولان ، میدان کلن ، تحقق
ایدن ، تبیین ایدن ، ثابت اولان هر شیئه حقیقت
و حق دیلهرک بونک جمنده حقایق قوللانیلیور
ساعلری ، ماضیلری بر طرف ایت یالکیز کوزمزه
اوکنده ظهور یافته اولقده اولان ، اشخاص
واقوامک ، ملل و ممالکک تبدل و تغییرینه درلو
درلو حاللره و صفلره کیرمه‌لرینه سیبیت و یرن
حقیقتلر دخی برر آیت ، متعدد بینادر .
موجب تفکر اولاجق شیلر یالکیز زمان
سعادتده ظهور ایتشده توکنمش دکدر . الی

یوم القيام الساعة باعث عبرت و تفکر شیلر خلق
اولونا جقدر . و ناصکله اولونقمده‌در . او حالده
بز قوه ادراک و مغکره‌مزی حسن استعمال
ایتمه‌ن ، نعمتک قدرنی بیلمه‌ن ، کفران نعمت
ایدن کروعدن اولیوروز . هدایت اوزرمه‌ز دبه
بول بول دعوا من قولزده قالیور . افواک و حر-
کات علیمزه شهادتله حاکم کائنانه حکمنی و پردیر-
بیور . قوربنک آره‌سنده یاش دخی یانار فحوا سنجه
مرشد و رهبرک وظیفه‌سیله موظف اولانلرک
اکثر بیسی وظیفه‌دن یخبر و یاخود خبردار ایدمه
اهمیت و یرمن اولورسه بعضی متفکرین حق
اولانلرک تعقیب حقیقت زحمتلری عبا اولور .
[و اتقوا فتنة لا تصيبن الذين ظلموا منكم

خاصة]

نظم جلیله دقت اوله .

مابعدی وار عبدالوهاب

انسانلرک عقیده‌لری [*]

علم مقبضی اربابنه

انسانک هر حالی - سنت‌الهییه حکمیله -
ابتدا دانه (تخم) غالنده بولنوب ، صوکره
یاواش یاواش کانه ایرشور . هر حالک بر
طفولیت دوری ، برده کمال دوری واردر .
ایکی آراده ، یالکیز بر الله بیلور ، نه قدر نحوالات

[*] موسی افندی اثندن :

وجوده کاور ، نه قدر عصر لر اوزار .

هر حال اوبله اولور ایسه ، انسانك عقلنده
اعتدا ، حالی ده - یعنی افکار علمیه منده همده
عقیده الهیه منده حقیقته وصول حالی ده البته اوبله
اولور . انسان عقیده الهیه منده دور طفولیت دن
دور حقیقته طوغری حرکت ایدر ایکن ، الله
بیایور ، نه قدر و نسل اعتقاد لری کچر کیدر
لکن انسانك او حرکت لری ، غایت یاواش
اولورق اوتقدماری هر حله صراط مستقیم
اوزرنده طوغری عمده صحیح بر حرکت اولور .
بر فردك عقلی صیباك خالص حکیمك کماله نصل
استقامت اوزرنده حرکت ایدر ایسه ، تمام
انسانیتك عقلی ده طفولیت عقیده مندن حقیق
عقیده مننه اوبله استقامت اوزرنده حرکت
وتقدم ایدر .

شو سنت الهیهی قرآن کریمك متعدد
آیت لری ده تأیید ایدر :

(۱) عود سوره منده (۵۶) بحی آیت
کریمه ده قرآن کریم دیمش : « انی نوکلت
على الله ربی وربکم ، ما من دابة الا هو
أخذ بناصیئها ان ربی علی صراط مستقیم » .
شو آیت کریمه حکمنه ، شبهه یوق ، هر بر
انسان داخلدر . هر بر انسانك ناصیه سی صراط
مستقیم ده اولان مولی سنك قبضه اقتدارنده اولور
ایسه ، بالضروره هر بر انسان صراط مستقیم ده
اولور . یعنی عقیده ده دور طفولیت دن دور
حقیقته حرکت ایدر ایکن هر بر انسان طوغری
بولدن کیدر . او بول حکمت الهیه اقتضایه

انسانلره طبیعی تدریجی صورنده حرکت ایتک
ایچون رسم اولمشدر . بناء علیه دور طفولیت
ایله دور حقیقت آرا منده اولان اعتقاد لرك
هیچ برله انسان مواخذة قیلماق لازمدر .

۲ « لیس علی الاعمی حرج ولا علی

الاعرج حرج ولا علی المریض حرج » .

نور سوره بیله فتح سوره منده شو آیت کریمه
نازل اولوب ، بونی من حیث المعنی تأیید ایدر
آیت لری قرآن کریمه بر قاج سوره ده نازل اولمشدر .
انسانلرك حاله قرآن کریمك عرفته کوره ،
ملاحظه ایدلم : « حرج » ك معنای نهدر ؟

کورلك ، آفتساق (طوبالاق) خستنه
کی اعذار بدیه حسیله مسجده وازمق جهاده
کیتك کی آسان ایشلر ، « حرج » اولور
ملاحظه بیله شرع شریفك مسامحه مننه بناء ،
انسانلردن ساقط اولور ایسه ، حقاغه اعتدا
کی انسانیت عقلنده نسبتله غایت آغیر ایشلر البته
بلا شبهه نظر شریعت ده حرج اعتبار قیلنوب ،
عقیده الهیه باینده بتون قصور لر شرع شریفك
مسامحه بیله عفو قیلنور . اصول دین فروع
دین ایله بر حکم ده اولوب ، فروع فقهیه ده
شرع شریف طرفدن بذل اولنش اقرار ، علی
طریق الاولویه اصول دین ده ثابت اولور .
شو معنی ایله هر بر عقیده الهیه حقیقی فروع
فقهیه حقیقی کی لازم اولور . زیرا بنده دن
انسانلرك خفیف بر عذر وجود بیله خفیف بر
تکلیف ساقط اولور ایسه ، بیوک بر عذرک
وجود بیله دعا بیوک بر تکلیفك مسامحه البته

امیدیه ، توجیه ایدرم کوزمی عرش اجابت
اولان سباه باشلارم ملاحظه ایتیه:

«بتون انسانلر برامت ایدی.» سوزینک معناسی ندرا
«آزغنلق ایمان سزلق خصوصتده برامت ایدیلر»
معناسنده اولاماز . زیرا انسانلرک اک اولکی
آنلاری آدم بی-وک ربی اولوب اولادینه اک
ابتدا برحق دینی تعلیم ایتیش ایدی .

«ایمان ، اهتدا خصوصتده برامت ایدیلر»
معناسنده اولاماز . زیرا اهتدا یولنده اولمش
انسانلره نیلر کوندرمیه برداعی یوقدر . فی الاصل
مهندی اولمش انسانلره بی کوندروب اختلاف
بلیه سی چیقارمق ده البته حکمت الهیه او قدر
موافق دکلدیر .

«حق ده اختلاف ایتدیلر» سوزینک معناسی ندر؟
اختلاف ایدر ایکن حق میدانده وارمی ایدی؟
اولمش ایسه ، او حق نهدن عبارت ایدی ؟
نیلردن قبل او حقیقی انسانلره کیم تعلیم ایدی؟
تعلیم ایدن بولمش ایسه ، یاخود او حقیقی
انسانلر کندیلری بولمشر ایسه ، نیلره احتیاج
قالورمی ؟

«بینات قیامی صوکنده انسانلر» بنی
ایتمش ، سوزینک معناسی ندر؟

بنی ایتک نهدن کلدی ، کیمدن اولدی ؟
نیلردن قبل ، بنی اولمایوب ، نیلرک
ورودی صوکنده عالم انسانیت ده بنی حاصل
اولمش ایسه ، او تقدیرده حکمت الهیه اقتضاسنک
تماماً عکسی ، اراده الهیه خلافتنه اولارق ،
واقع اولمش اولمایورمی ؟

«ایمان ایدیری الله عدايت ایدی» سوزینک

معناسی ندر ؟

ایمان برکته تیه حاصل اولاجق حقیقت

نصل شیدر ؟

شویه سؤاللر ساعتلرجه بی مشغول ایدر .
جوابلرینک تفسیرلرده بولتماق جهتی بی دیگر
بوللره . س-وق ایدر ، کیدرم ، او جوابلری
قرآن کریمک کندیسندن طلب ایدرم . اقتدارم قدر
جوابلر بولورم ، شاد اولورم ، فوق العاده
منویتم بکا بر قدر جسارت ویرر . بولمش
جوابلری هم ده خصوصی فکرلری عرض ایدرم
دیگرلره رغبت ایدن محترم ذوات مطالعه ایدر ،
مدرسه طلبه لری قرآن کریم مطالعه سته عادت
ایدر . بزم اک مهم مطلبمزده طلبه لریک ائیرینه
قرآن کریم کریمی ووروب ، طلبه لری شروح
وحواشی قاراندلرندن خلاص ایتمکدر .

(۳) هر بر عقیده الهیه حقیقته بنم اوچنجی
دلیلم نبی محترم ابراہیم علیه السلام حضرتلرینک
الانعام سورده سنده (۷۵) دن (۷۹) «قدر
بش آیت کریمه ده ذکر اولمش قصه لیدر .
شو بشدن :

«و كذلك نرى ابراهيم ملكوت السماوات
والارض وليكون من المؤمنين» (۷۵)

«فلما جن عليه الليل رأى كوكباً قال هذا
ربى . فلما افل قال لا احب الاقلىن .» (۷۶)
«فلما رأى القمر بازغا قال هذا ربى . فلما
افل قال لئن لم يهدنى ربى لا كون من القوم
الضالين .» (۷۷)

«فلما رأى الشمس بازغة قال هذا ربى
هذا اكبر . فلما افل قال يا قوم انى يرى بما

حکمت اقتضا-یدر . اوفق عذرلر ايله اوفق شیلری اسقاط بدن شریعت ، بیوک عذرلر ايله بیوک و آغیر شیلری اسقاط ایتمسه ، او قدرده شرع شریفک اهمیت قالمز ، وضع شریعتده غایت بیوک بر مناسبتلرک بوز کوستر .

دنیاده انسان ایچون نخبیر کبی بیوک بر حرج اولماز . حقائق طلب یولنده عقل انسان ایچون نخبیر کبی هر وقت واقع اولور بر حالتده ولماز . نخبیر عقل انسان ایچون الک آغیر واک جوق واقع اولور الک بیوک بر حرج در .

بونک اوزرینه نسانک عقلنه طاری اولان آفتلر ، بلیله، وجودینه طاری اولان آفتلردن دها زیاده در ، دها دواملی در . انسانک وجودی انسانک عقلندن دها زیاده سرعتله کالنه واصل اولور . اما کالنه واصل اولماق بلیهسی انسانک عقلنه غایت کثرتله عارض اولور .

بنشاء علیه ، طویالق کبی آفتلر تکالیف شرعیه سقوطنه سبب قیلنمش ایسه ، کالنه واصل اولاماق کبی طبیعی همده دائمی بر آفت عقلیه و اعتدای ایدمه مک - و منجیر اولوب قالمق کبی الک عمومی بر حرجک سقوطنه البته نظر شریعتده بیوک بر سبب اولور .

نتیجهده : حقائقه اعتدای بولنده حرکت ایدر ایکی انسانک عقلی نقص یا خلاف واقع اعتقادلرده بولور ایسه ، بونک ایچون انسان عندالله مؤاخذ اولماز . شومئلهده عالم انسانیت برانسان کیدر . عالم انسانیتده ظاهر اولمش ملبتلر دیانتلر - نظر ایدر ایکن انسانک عقلندن کلوب کیتنمش اعتقادلر کیدر . نظر بولنده بر

انسانک قصورلری ، شبه یوق ، معذور . انسانیت عالنده ظاهر اولمش دیانتلرکده عقیده الهیهده قصورلری البته بوکا کوره معفو اولور . بن عالم انسانیتده کلوب کچمش یاخود شوکونه قدر قالمش ملتله اجمال کوزیله نظر ایدر ایسم . فکر مه عر دفعهده « کلن الناس

امة واحدة . فبهت الله التبيين . بشرین و منذرین ، وانزل معهم الکتاب بالحق لیحکم بین الناس فیما اختلفوا فییه . واما اختلف فیہ الاالذین اوتوه من بعد ماجائتهم البینات بغیا بینهم . فهدالله الذین آمنوا لما اختلفوا فییه من الحق باذنه .

والله یریدی من یشاء الی صراط م . تقیم « (البقره - ۲۱۳) آیت کریمهسی خطور ایدر . کیدرم ، تفسیرلری قارشدیریم ، قناعت وبره بیلجک بر علمی بیان عیج برنده بولامام . نخبیر بایهسی قلبییهده عقلییهده استیلا ایدر . اوفاق شیلره قناعت ایدوب ، بیلجک بر آیت کریمه تفیرینه جسات بدن اهل کلامک حالنه تعجبم زیاده اولور . تاریخ انسانیت ، تاریخ ادیان ايله تفیسیر قیانه بیلور بر آتی بالکیز وجوه لفظیه ايله شرح بدن اهل تفیسیرک سوزلربی بالضروره غایت اوفاق صایر اولورم .

شو طاکک تأثیرله ، عمده تفسیرلری قارشدیرمق دن کلنن تعبیری ، ملالتلری ازاله اتمک

نشرکون . (۸۸)

« انی وجهت وجهی للذی فطر السماوات
والارض . واما انا من المشرکین . » (۸۹)

اولکی آیت کریمه الله رب العالمین
حضرتلری دیمش : « کوکارت آیتلرینی زابراهمه
کوستردک ، کورسند ده یقین حاصل ایتسون .
الله جل جلاله حضرتلری آیتلری کوستر-
مش . ابراهیم علیه السلام او آیتلری کورمش .
کوکارتک یرلرک آیتلرینی کوردکدن صوکره ،
قرآن کریمک بیاننه کوره ، ابراهیم علیه السلام
علی التدریج اوج حالی کچمشده ، عاقبت ، عقیده
الهیتهک کالی اولان دوردنجی حاله کلش .
برنجی حال : ییلدیزلردن برینی ، کیجه قاراناغنده
کورمشده « شودر بنم ربم ! » دیمش . ایکنجی
حال : نوری زیاده ، قری کورمشده « شودر
بنم ربم ! » دیمش .

شوایکنجی حالک بیاننده ملاحظه قبلنه جق
ایکی شی وارددر : (۱) قرآن کریم شو حال بیان
ایدر ایکن « فلما جن علیه اللیل » کی قا-
رائق زماننه دلالت ایدر بر جهلهینی ذکر
ایتمهش . « نچون ؟ » بنم ظنمجه او ایکنجی
حالدده عقلکده قارائلق دن بر درجه نجاننه اشاره
ایچون (۲) قرآن کریم « فلما افل قال لئن
لمیهدنی ربی لا کونن من القوم الضالین »

جهله بلیغسیله ایکنجی حالده عقل ابراهیمده
طلبک ، نشاطک زیاده لیمش ایدیکنه ارشاد
ایتمشدر . یعنی جهل قاراناغندن بر درجه

نجات بولمش عقلاک ، حقیقتی طلب بولنده ،
نشاطی رغبتی دها زیاده اولور .
اوچنجی حال : دها بیوک دها زیاده نورلی
کونشی کورمشده ، « یوق ! بنم ربم شودر :
اولکی ایکنجی دکلدر . شو - دها بیوک دکلکی ؟
دیمش .

دردنجی حال : ابراهیمک عقلی اوچنجی
درجه دنده یوقاری چیقوب ، (انی وجهت
وجهی للذی فطر السماوات والارض !)
دیمشده عقیده الهیتهک ککانه واصل اولمش .
ابراهیم علیه السلام صیاک حالندن نبوت
حاله کلنجه او اوج حالی کچوب عقیده الهیه کالی
اولان دوردنجی حاله کلش ایه ، انسانیتکده وحشیت
حالندن اک عالی ایمان سماوی حالنه کلنجه به قدر
کچمش اعتقادلری علی طریق الاولویه ابراهیمک
حالی کی اولور . زیرا اک بیوک بر نبی حقنده
قرآن کریمک اقراربله ، جائز اولمش حاللر الیه
مر بر انسان ایچونده جائز اولور .

بزم شو بیانمزه کوره ، ابراهیم علیه السلام
قصه دنده ذکر اولمش او بش آیتک هیچ بری
تاویلات عجوملرینه هدف اولمايور . لکن اهل
کلام کتب کلامیهده « نیلرک معصومیتلری ،
مسئله سنده او آیتلری « عذارینی علی زعمکم »
کی تقدیرات ایله تاویل ایتشار .

بونک کی تاویلات اهل کلامک مذهبلرینی
حمایه ایتک باینده معقول کی اولور ایهده ،
قرآن کریمک معجزه بلاغتلرینی عدم ایتدکلری

جهته اوبله تاویلار عیج بر صورتله جائز دکلدر.
مذاهب کلامیه بی صافلامق خیالیله التزام اولمش
تاویلات بی استدلاله ذره قدر ضرر ویرمن .
اوبله تاویلری قبول ایدرسیم ، بن البته کناهل
اولورم .

قرآن کریم دیمش : « ولوانهم اقاموا
التوراة والانجیل وما انزل الیهم من ربهم
لا کلاوا من فوقهم ومن تحت ارجلهم .
منهم امة مقتصدة وکثیر منهم ساء ما یعملون »
(المائدة — ۶۶) .

یعنی : « نورانی انجیلی قرآنی - اوامرلرینی
ادا ایدوب ، نصوطلرینی تاویل ایتمه مکه - اقامت
ایتسلر ایدی ، یوقازیدن ارزاق معنویه بی ، اساسنه
ارزاق حسیه بی برکتلی صورتده آلورلر ایدی ،
انسانلردن - اوامرک حدودنده نصوطلر ظاهرنده
واقف اولوب مقتصد اولانلری واردر . لکن
اکثری حدودی تعدی ، نصوطلرینه تاویل
ایدلرلر . » مالا ترجمه سی شودر .

شوآبتک ارشادینه کوره ، بن قرآن کریم
آیتلرندن عیج برینی تاویل ایتمه مک طرفداری بی ،
قرآن کریمی اقامتک اک مهم ، معناسی ده تاویل
ایتمه مک در . قرآن کریمک اوامرینی ترک ایتمک
- قرآن کریمی اقامت ایتمه مک اولور ایسه ،
نصوطلرینی ظاهرندن صرف ایتمک البته اقامت
ایتمه مک اولور .

قرآن کریمی تاویل - ایکی نوع اولور .
بری اهل کلام تاویلیدرکه ، آیت کریمه کندی

ظاهری معناسندن تماماً چیقار . ظاهری معناسی
احمال دائره سنده قالماز . ایکنجیسی : اهل تصوف
تاویلیدرکه قرآن کریمک ظاهری معناسی ده مراد
اولور ، اشاره سندن مستفاد اولان معنی ده اراده
قینور ، شو تاویل تاویلرک اک کوزلیدر . اوبله
تاویل ایله قرآن کریم ظاهرندن صرف اولماز .
بلکه قرآن کریم ظاهری معناسنه حمل اولنور ،
ظاهرک ارشادیه انسان کنیدیسی ایکنجی بر معنایه
مهندی اولور .

شو غرق بیان ایتمک ایچون بوراده اهل
تصوفک بر تاویلرینی شاهد صورتیه نقل ایده بی .
اهل تصوفک بیوکلرندن بری اوزبتک « کلشن
زار » اسملی کتابنده دیمش :

ا کر مردی بیرون آی ونظر کن
هر آنچه بیشت آید زان گذر کن
خلیل آسا برو حق را طلب کن
شبی راوردر وروزی رایشب کن
ستاره ماعه وخورشید اکبر
بود حس وخیال و عقل انور
بگردان از همه ای راعرو روی
همیشه لا احب الاقلین گوی .

ترجمه سی :

ار ایسه ک ، جیق ، نظر ایت ، اوکوکه عمره
کلور ایسه ، قناعت ایتمه ، ده اوزاق کیت .
ابراهم کبی بور ، خدایی طاب ایت . کیجه بی
کوندوز ، کوندوزی ده کیجه ایت .
بیلیدر . آی ، بیوکل کونش - : حس ، خیال ،
عقلدن عبارتدر .

ای طالب بونلرک هپسندن بوزکی دوندرا
حقیقته وصولک قدر . توقف ایتمه ، کیت « ظاهری

شیرہ قناعت ایتمز ، حقیقی آرام ، سوزینی
مروقت سوبله .

الانعام سوره سنده ابراہیم علیہ السلام قصہ
سندہ مذکور آیتلری شوبله تاویل - قرآنی
ظاہرندن صرف دکلدر . بلکه ظاہری معنایی
ارادہ فیلمنق شرطبلہ ابکنجی معنایہ اعتدا
ایتمکدر . بوبله تاویل مطلوب دکل ایسده ،
منوعده دکلدر .

ظاہری معنایندن صرف ایتمک شرطبلہ
قرآن کریمی تاویل البتہ جائزدر . زیرا اولیہ
تاویلر عقلک دها زیادہ فہمبلہ اعتداسبلہ اولور .
قرآن کریمک ظاہری مراد دکلدر دیمہسہلر ایدی .
بز اهل کلامک تاویلر بئی دہ رد ایتمز ایدک .
اقتک فصاحتبلہ نظمک بلاغتبلہ مستفاد اولان بر
معنایی ، مراد دکلدر دیمک بزم شائمز دکلدر . قرآنک
بلاغتی - اولور اولماز تقدیرات ایلہ اصلا حاتمزدن
آیت کریمہلری البتہ مستغنی ایتمشدر . آیت
تام دکل ایدی ، تقدیر ایتدم دہ تام اولدی ،
دیمک ، بنم ظنمنجہ ، غایت بیوک ادبسنزلکدر .
« عقیدہ الہیہلرک حقیقی ، دعواسندہ بنم »
نجی دلیم سورۃ البقرہ دہ ۶۲ نجی آیت کریمہدر :
« ان الذین آمنوا والذین عادوا والنصارى
والصابئين من آمن بالله والیوم الآخر وعمل
صالحا فلهم اجرهم عند ربهم ولا خوف علیهم
ولاهم یحزنون »

من حیث المعنی ترجمہ سی :

« مؤمنلر ، یهودیلر ، نصرانیلر ، فرشتہلرہ
یا بولدوزلرہ عبادت ایدر صاییلر - دها عمومی
برعبارہ ایلہ تعبیر اولور ایسہ - ایلہ رب العالمین

حضرتلرینہ ہم دہ جزا کونہ ایمان ایدوب ،
حیات حاضرہ دہ یاخشی ایشلری ادا ایدر بتون
انسانلر عاقبت سعادتہ نائل اولورلار . »

شوآیت کریمہ دہ نجاتک مداری تعیین
اولمشدر : خیرانی امر ایدر ، شروردن منع
ایدر . اللہک وجودینہ ایمان ، انی ، فنا مہرر
عملک جزامی اولاجق برکونہ ایمان . شوایکی
ایمانک تأثیربلہ شروردن فساددن صاقلانوب ،
انسان خیرانی صالحانی ادادہ سی ایدر ایسہ
اشتہ اولیہ انسان حیات استقبالہ سندہ سعادت
ایدہ بہ نائل اولور .

ایمان دہ رسمیت یوقدر . رسمیت کسب ایتمش
ایمانک حیات انسانیدہ اوقدر اہمیتی دہ یوقدر .
انسانی فساددن شردن ظلمدن منع ایدوب . خیر
اشلرہ سوق ایدن ایمان اشتہ نظر شریعت دہ معتبر
ایمان شوبله برایماندر . حیات انسانیدہ اہمیتی
اثری یوق ایمانک نظر شریعت دہ البتہ اہمیتی
یوقدر .

شرع شریف ایمانی حیات دہ ظاہر اولور
اثربلہ وزن ایدر . ایمان - خیال دہ مرتسم کلمات
اسمیدن عبارت دکل ، بلکه عقل دہ قلب دہ
رسوخ بولمش برنورددرکہ انسانی حیاتندہ خیرات
بولنہ ہدایت ایدوب ہلاک بولتدن خلاص ایدر .

مکتوبلر

مکہ مکرمہ دہ کوزل بر تشبث

نژاندہ چیتان الدین والادب مجلہ سندہ مکہ